


2009.ean 254 pertsona hil ziren 100 urte edo gehiagorekin

Trafiko-istripuagatiko heriotzak %63 murriztu dira azken hamar urteetan

Heriotza kopurua Euskal AEn: 2009an 19.624 pertsona hil ziren Euskal AEn, 2008an baino 187 gehiago, Eustaten datuen arabera. 10.232 gizon eta 9.392 emakume hil ziren. Heriotzarik gehien, urtarrilean (2.131); gutxien, irailean (1.452).

100 urtetik gora hildako 254 pertsonen artean, %80 emakumeak ziren. Ehun urtedunen heriotzak hirukoiztu egin dira 1996tik; orduan 77 izan ziren.

1. grafikoa: ehun urtetik gorako pertsonen heriotzak, sexuaren arabera, 1996-2009



Iturria: EUSTAT. Euskal AEko heriotzen estatistika

Emakumeen bizitza 7,4 urtez luzeagoa da gizonena baino

2009an zehar hildakoen batez besteko adina, 77,7 urte; 1999an, aldiz, 75 urtekoa zen, hots, 2,7 urteko gehikuntza azken hamarkadan. Gizonezkoak batez beste 74,1 urterekin hil ziren eta emakumeak 81,5ekin.


Hazkunde begetatiboa, positiboa, +1.304. Saldo positiboak izan dira Araban eta Gipuzkoan, 730 eta 899 biztanle gehiago; Bizkaiari dagokionez, aldiz, jaiotakoak hildakoak baino gutxiago izan dira (-325).

Haurren heriotza-tasari dagokionez, milako urtebetetik beherako 3,1 hil ziren. Jaioberrien heriotza-tasak, bizitzako lehen 28 egunetan hiltzen direnenak, 46 heriotza zenbatu zituen; 30 jaioberrien heriotza goiztiarrek eragin zituzten, lehen astean gertatzen diren heriotzek; horietarik, 11 lehen 24 orduetan. Urtebetetik beherakoen artean, neskatoak guztirakoaren %39 izan ziren.

Heriotzen %60, tumoreak eta zirkulazio aparatuko gaixotasunek eraginda

Tumoreek eragin zituzten 2009an izandako heriotzen %30,3, hots, 5.950; zirkulazio-aparatuko gaixotasunek %29,6 (5.799 hildako), eta hirugarren tokian, urrunago bada ere, arnas aparatuko gaixotasunek %9,4 (1.841). Gaixotasun garrantzitsuenen hiru talde hauen prebalentzia ezberdina izan da azken hamarkadan. Tumoreek eragindako heriotzak %15 hazi dira; kardiobaskularrek eta arnasbideetakoek eraginak %4 eta %6 murriztu dira.

2. grafikoa: heriotzak kausa eta sexuaren arabera (%); 1999an, 2009an



Iturria: EUSTAT. Euskal AEko heriotzen estatistika

Heriotzen kausak ez ziren berdinak izan sexu batean eta bestean: gizonezkoen artean, tumoreak hilgarriago gertatu ziren zirkulazio-aparatuko gaixotasunak baino; emakumezkoen artean, berriz, heriotza-kausa nagusia gaixotasun kardiobaskularrak izan ziren, eta tumoreak bigarren.

Halaber, adinaren arabera ere izan ziren aldeak heriotza-kausetan. Urtebetetik beherakoen artean, heriotzarik gehien jaiotza-inguruko gaixotasunek eta malformazio kongenitoek eragin zituzten; 40 urte arte, heriotza-kausa nagusiak kanpokoak izan ziren; 40 urtetik 80 urtera, tumoreak, eta 80 urtetik aurrera, zirkulazio-aparatuko gaixotasunak.

Alzheimerrak eragindako heriotzak bikoiztu egin dira azken hamar urteetan

Heriotzak eragiten dituzten taldeen artean azken hamarkadetan gehien hazi direnak asaldu mentalak eta nerbio-sistemaren gaixotasunak ditugu. Azken hamar urteetan, dementziek eragindako heriotzak %63 hazi dira (1.043 heriotza 2009an), eta endekapenezko gaixotasunen artean Alzheimerrak eragindakoak bikoiztu egin dira (2009an 636; 304 hamar urte lehenago).

Dementziek eta Alzheimerrak eragindako heriotzarik gehien, emakumeenak: 2009an, %67 eta %71.

Trafiko-istripuak murriztu direlarik, nork bere buruaz beste egitea da kanpo heriotza-kausarik aurrenekoa

Azken hamarkadan horrenbeste (%63) murriztu da trafiko-istripuengatik heriotza kopurua ezen ekarri baitu nork bere burua hiltzea aurreneko kanpo heriotza-kausa izatea 2006tik. Alderik handiena, 2009an: 166 suizidio eta 104 trafiko-istripuagatik heriotza; azken hauek %10 murriztu ziren aurreko urtearen aldean.

Bai suizidioetan, bai errepideetan hildakorik gehien, gizonak: 85 gizonetzko eta 19 emakumezko, zirkulazio-istripuengatik, eta 126 gizonetzko eta 40 emakumezko, suizidioengatik.

1. taula: Heriotzak Euskal AEn, sexuaren arabera 2009

	Gizonezkoak		Emakumezkoak	
	Kop.	%	Kop.	%
Kausa guztiak	10.232		9.392	
Gaixotasun infekzioso eta parasitarioak	161	1,6	172	1,8
Tumoreak	3.699	36,2	2.251	24,0
Guruin endokinoetako, elikaduraren eta metabolismoaren gaixotasunak	230	2,2	326	3,5
Trastorno mentalak eta portaeraren trastornoak	364	3,6	718	7,6
Nerbio-sistemako gaixotasunak	438	4,3	676	7,2
Zirkulazio-sistemako gaixotasunak	2.773	27,1	3.026	32,2
Arnas sistemako gaixotasunak	1.051	10,3	790	8,4
Txegoste-sistemako gaixotasunak	491	4,8	449	4,8
Sistema genitourinarioko gaixotasunak	214	2,1	208	2,2
Zantzu, zeinu eta aurkikuntza anormalklinikoak eta laborategikoak	204	2,0	349	3,7
Kanpoko heriotza-arrazoiak	464	4,5	213	2,3
Beste batzuk	143	1,4	214	2,3

Iturria: EUSTAT. Euskal AEko heriotzen estatistika

Argibide gehiago:

[Euskal Estatistika-Erakundea / Instituto Vasco de Estadística](http://Euskal_Estatistika-Erakundea_Instituto_Vasco_de_Estadística)

Donostia-San Sebastián, 1. 01010 Vitoria-Gasteiz

Tel.: +34-945-01 75 00 Faxa: +34-945-01 75 01 Helbide elektronikoa: eustat@eustat.es

Harremanetarako pertsona: Martín González Hernández

Tel.: +34-945-01 75 49 Faxa: +34-945-01 75 01

[Euskal AEko heriotzen estatistikari buruzko prentsa-ohar gehiago](#)

[Euskal AEko heriotzen estatistikari buruzko datu-bankua](#)